

صاحبی ، مدیری ، محرری :



آبونه بدلی :

سنه لکی ۱۰۰ غروش

آتی آیلنی ۵۰ »

اوج آیلنی ۲۵ »

مخبر

۱۳۳۸

اداره خانه بی :

شهرزاده باشنده (تعالی اسلام)

جمعیتی مرکز عمومی

مرکز توزیعی :

باب عالی جاده سنده (اتحاد

تجارت) کتبخانه بی

اسلامک نفقه خادم مقالات

مع التشر قبول و درج اولونور

یازانک شخصیتی دکل : یازانک احمیتی
نظر دفته آلینیر .

دینی ، علمی ، ادبی ، اجتماعی و شمیریات شهری

مجموعه اسلامیه

کان یازیلردن شایان قبول کورولنار تاریخ
صیراسیله درج اولونور .

عدد : ۷

۱۳۳۹ جمادی الاولی سنه مخصوص نسخه

فی ۷ بوجوق غروش

مندرجات :

- مخبر دینی و علمی : دارالشفقه به معاونتک لزومی - طاهر المولوی . اجتماع و دین اسلامی عصر یاشدیرمک - محمد عاطف .
- غریبک روح حقنده کی تلقیاتی - احمد حمدی . براز انصاف ایتسه لر - نیازی فیروزی .
- مخبر تاریخی : جمادی الاولی والآخره - طاهر المولوی . عالم اسلامده خاندان علم و معرفت - محمد عزت و محمد عارف .
- مستجابی زاده عصمت بک - سعود المولوی .
- مخبر فنی : علم هیئتک مبدای - سعدی .
- مخبر ادبی : مناجات - یشار شادی . مرثیه - یشار شادی . ای جلوه لی سنجاق - سعود المولوی . برغزل - طاهر المولوی .
- علاوه : هند ماصالری .

تكرار شماله دوغرى يورور و بوجال متمادياً دوام ايدر .
بووقعه يى مشاهده ايدن كيمسه زراعته كفايت ايدە جك
بردرجه ده سەنەك مدتتى تعين ايتمش اولور . ب و ج
نقطه لرندە كوشن تبديل استقامت ايتك ايچون توقف
ايتديكندن بووقعه يه [تحول شمس] وصيحاق موسمه
تصادف ايدە نه [تحول صيفى] وصفوق موسمه ، [تحول
شتوى] نامى ويرلدى .

غروب و طلوع نقطه سەنك حركتى قرون اولى
اقوامنجه معلوم ايدى . بالخاصه مصريلر و كلدانلر
بوخصوصه مرقى ايديلر . فقط اثرلرنده بوتحولادن
هيچ بحث ايتيورلر . يالكىز مشهور شاعر [هومر] ك
[اوديسه] نامنده كى اثرندە بووقعه حقندە اوافق برفقره
كورولور .

ديمك اوليور كه سەنەك مدتتى تعين ايچون كوشنك
بو حركتى نظر دقتە آلتمش . تحول صيفى و تحول شتوى
آره سنده مرور ايدن ايامى تعداد ايتكى كيم تصور ايتدى
ايسه او ، سەنەك حقيقى مدتتى بولمشدر :

« سەنەك هر هانكى بر كوشنده كوشنك طوغدينى
استقامتى تعين ايتلى ؛ كوشن عين جهته حركت ايتديكى
برزمانده مذكور استقامتى كورورسه كز ، ايشته اوزمان
برسنه مرور ايتمش اوله جقدر . » بوايضاحات هند كتب
مقدسه سنده موجوددر . حتى ، معلوم ايدى كه انتخاب
اولان كون تحول شمسدن نه قدر اوزاق اولورسه
او قدر سەنەك مدتتى دها صحيح اوله جقدى .

بووقعه سماويه نك مشاهده سى قمر حقندە عین
فكرى ويره جكدى . فقط بوراده كى تحولاتك دها مخلق
ودها سريع اولدينى كورلدى .

ييلدزلره كلنجه ، اونلر عینى نقطه دن دوغوب
باتارلر

تحول شمس معلوم اولنجه [اعتدالین نقطه لرینى]
يعنى كيجه و كوندوزك مساوى اولدينى زمانى بولمق لازم

بيوريلور و ياخود برميضه استساخ [۱] ايتديريله رك
كونددريليرسه عظيم تشكر لر ايدرم . بونى بعض تصحيحات
وعلاوات ايله نشر ايدرسەك پك خوش اولورظن ايديبورم .
كرنامه لرينه انتظار ايله عرض تحيات واشتياقات ايلزم
عزيزم اقدام . »

(خيابان) ناميله نشرينى تصور ايتديكى مجموعه
علميه نك برقاج سەنە اول سرلوحه سى طرف كمترا نه مدن
تحرير وعصمه ارسال اولمش ايدى . آنجق مرحوم
غايته دوراندش و مشكل پسند برذات اولديغندن برچوق
اخوان و محبانك آرزولرينه رغماً رساله يى بردرلو نشر
ايتيوردى .

— مابعدى وار — سعود المولوى



مخفل فنى

علم هيئتتک مبدای

يوقاريدە سويلديكم وجهله صيحاق وصفوق موسملرك
عودتى سەنەك مدتتى تثبيتە كافى كلدى . چفته يى ، كوشنك
طوغدينى ويا باتدينى نقطه نك متمادياً دكيشديكنى كمال
حيرتله كوردى . بووقعه يى بزده برآز دقتلنجه تدقيق
ايدەلم . منطقه معتدله نك اووالرندن برنده بولونديغمزى
فرض و ايلك بهارده كوشنك باتمش اولدينى نقطه يى
تثيت ايدەلم . درحال بو نقطه نك شماله دوغرى سرعتله ،
بالآخره آغير آغير كيتديكنى و برآز صكرده توقف
ايتديكنى كورورز . بو نقطه يى [ب] حرفى ايله كوستردەلم .
[ب] برآز توقفدن تكرار كرى يه عكس حركتله عودت
ايدر و جنوبده بر نقطه ده طورور . اون نقطه يه [ج] ديهلم .

[۱] برنسخه كزیده سى آنجق نزدمة بولناف عصمتك
بواثر كزى خاندان عالى سلطنت منسوبين كرامندن برذات
نجيب واديب طرفندن مؤلفه قارشى برائر حرمت و محبت اولمق
اوزره بالذات استساخ بيوريله رق وساطت عاجزانمله مشار
اليه ارسال اولمش ايدى .

دیگر لرله بادی سعادتمی فغانم
بن آغلار ایسه م غیریسی داشاد اوله جقمی

§

شایسته لطفک دکل گرچه بن اما
عفو ایت ، کرم ایت ، مرحمت ایت قیل بی احیا
بر کیمسه دن امید دوا ایلمه اصلا
سندن ییقیلان غیریدن آباد اوله جقمی

§

یارب سکا زنه ار دکل عرض شکایت
آرتق یتیشیر چکدیکم اکدار وفلاکت
دنیا ده پریشانغمه یوقسه نهایت
عقباده کوکل غصه دن آزاد اوله جقمی

§

شاد ایله من خاطریمی غنجه وسنبل
الحان طرب ، چهره تر ، نغمه بلبل
برکون کله رک قسوتی ایلر می تنزل
یا خود اوده کوندن کونه مزداد اوله جقمی

§

محشر کونی درعه ده ایدوب حکم وقضایی
صورمقده ایکن ایتدیکم انواع شقای
لطف ایله رک چکدیکم آلام وجفایی
صورسه ک بیله سن قابل تعداد اوله جقمی
۱ تشرین اول ۳۲۹ یشار شادی

❦

عشریه

— حسین هاشمک روح نریخته —

ارکان دهره دور دوشن انتسابدن
لقمان ده اولسه قورتیله ماز اضطرابدن

کلدی . فقط بومعلوماتی الدہ ایتک ایچون معین و امین
برواسطه یوقدی . چونکه ، کونشک [ب ۷] خطی
اوزرنده کی حرکتی مغلق اولدینی کی تساوی لیل
ونهارده بوخطک متصف نقطه سنه اصابت ایتوردی .
مصر لیلرک آئنده بونقطه لری تعین ایچون قولای برواسطه
واردی . فقط اونی استعمال ایتدکلرینی بیلیمورز .
« کونش ، اهراملرک شمال و جنوب و جهاری استقامتده
طوغوب باندینی زمان کیجه و کوندوزه مساوی اوله جقدی . »
صوک زمانلرده یاپیلان بر تجربه حقیقتک بومرکزده
اولدینی اثبات ایتدی .

خلاصه ، هر یرده کیجه ایله کوندوز ، قمرک صفحاتی ،
موسملرک عودتی ، آوچی ، چوبان ، و چمتجینک نظردقتی
جلب ایتدی . اونلر بووقایع سماویدن استفاده ایتکه
جالشیدیلر بویله جه علم نجوم میدانه کلدی .

احتیاج هر یرده براولدیغندن بتون اقوامده بو علمه
عائد بومعلومات ابتدائیه یی کورورز . بناء علیه علم نجومک
فصل وزره ده میدانه کلدیکنی آرا ماملی یز . هر قوم کندی
احتیاجنه ، دوشونجه سنه کوره اونی ایجاد ایتدی
سعدی

❦❦

محفل ادبی:

مناجات

یارب بو کوکل کون کله جک شاد اوله جقمی
یا بویله غم و درد ایله بر باد اوله جقمی
بر آن اولوب آزاده فریاد اوله جقمی
عشقک بزه سرمایه ارشاد اوله جقمی

§

بر قورقولو رؤیا کی کچمکده زمانم
ایام بهارمه ظهور ایتدی خزانم